

آبونه شرائطی : هریر ایچول
سنه لکی (۴۰۰) آلتی آیلغی
(۲۲۵) ممالک اجنبیه ایچون
سنه لکی (۴۵۰) ، آلتی آیلغی
(۲۵۰) غروشدور.

نسخه سی ۷,۵ غروشدور .
سنه لکی ۵۰ عددور .

اداره خانه : باب عالی جاده سنده
رشید افندی خاندنه

اخطارات

آبونه بدلی پشیندر .

مسلكه موافق آثار مع الممنونیه
قبول اولنور . درج ایدله یین
یازیلر احاده اولتماز .

الکشاف

آدره من تبدیلنده ایریجه
غروش کوندرملیدر .

مکتوبلرک امضالری واضح
واوقوناقلی اولسی و آبونه
مره نومروسی محتوی
بولونسی لازمدور

ممالک اجنبیه ایچون آبونه
اولانلرک آدرس لرینک
فرانسزجه یازلسی رجا اولنور .

پاره کوندردلیکی زمان نهیه
داثر اولدیغی بیلدیرلسی
رجا اولنور

اتبعون اهدکم سیل الرشاد

صاحب و مدیر
اشرف ادیب

باش محرر
محمد عاکف

والله یهدی من یشاء الی صراط مستقیم

حالبوکه غربیچیلر من بو حقیقتدن هر نه دنسه متغافل بولونیورلر . زعملرنجه ، قانونلر مزده قرون وسطائی برذهنیت وارمش ا الیوم قانوناً حد شرعی اجرا ایدیله بیللمسی مدنیتله توفیق ایدیله مزمش ا فی الحقیقه غرب عالمک سکیرمکده اولدینی بحرانلر ، هر شیدمه اولدینی کبی عدالت و حق مفهومی ده شیرازه سنلن چیقارمشدر . قرون وسطی تعبیری علامت استخفاف اوله رق قبول ایدن غرب ؛ بوکون ادعا ایدیلن انکشافاته رغماً مع التأسف قرون اولی یه قدر رجوع ایتش بولونیور . حیواناتک حایه سنی ، اک مدهش آزعین بر جانینک محکومیتی حسیله کچیره جکی سنه لرك آلامی تخفیف ایتکی وظیفه وجدانیه بیان آوروپا ، ینه کورو لیور که الک اوافق احتراصاتی ایچون ملیونلرجه بشری یکدیگرینه قیردیرمق ایسترسه الک اوافق بر حس وجدانی و انسانی یه بیله تابع اولیور . حالا رنک و دین کبی هیچ کیمسه نك مدار تحقیری اولماسی لازمکن اوصاف هتک حقوق ایچون واسطه اوله رق تلقی ایدیلنور .

بر طرفدن بولشه ویک روسیه چیقیور . شخصی مساعی جمعیته مال ایدیور . آلبن ترینک قیمتی هیچه صایور . بتون استحصالاتک ، مکتسب حقوقک اخلاقی ال طبیعی برحق اوله رق کورو لیور . زوجه لر بیله عمومک مالی ، چوققلرده جمعیتک اولادلری عد اولونیور . نه ملکیت ، نه ده مصونیت تلقلیرینه امکان وار .

بری طرفدن بر فرانسه چیقیور . رقیب آلمانیانک حق حیاتی ، حق مساعیسنی بیله طانیور . بش اون تجارت کمیس یاپلسه آلمانیا جانلانیور ، یاشامق ایستیور ، دییه قیامت لر قویور . ملیونلرجه نفوس بشرک فلاکتی دینکر بر قسمک خود بینسنی تطمین ایدیور . بوکاده حق نامی ویریلور .

بر انکلتزه چیقیور . حالا یوز ملیونلرجه افراد بشری تحت اشارتده ایکتمک ایچون هر درلو مظالمی ، شدتی ، تعقید حریتی حقوق طبیعی دن عد ایدیور .

عدالت مفهوملرینک تجلیاتی ده میدانده . بهبود خانک ، طلعت پاشانک ، ووروفسکی نک ، هله مصرلی شهزاده نک قاتللرینک برائی عدالتک هیچه صایلدیغی کوسترر . هر قتل جمعیت نامنه ورولش برضربه در . سائق آرانیه ماز . هیچ برکسه ، ولوکه واجب الازاله اولسون هیچ بر مجرمی شخصاً تجزیه ایده مز . ایدرسه جمعیت ده بو تجزیه یی کندینه عائد حقوقه تجاوز عد ایدر . حالبوکه مقتوللرک بر قسمک مسلمان اولسی ، دیگرلرینک ده غربی سکیرلنن بر عقیده یه منسوب اولسی حق چیکنه مک ایچون کافی کلشدر .

جرم ایله جزانک مطابقی قاعده سی آرتق اونوتلغه باشلامشدر . غربک سیز قانونیسی مجرملری حایه ایده جک تهلکه لی بر شکل آلیور . الک بیوک جرمه مقابل ، الک کوچوک جزا نظریه سی مجرملری ایقاع جرائمه

تشویق و ترغیب ایدیور . اوله یا بریسی تحت نکاحنده کی قادیندن قور تلق ایچون اونی قتل ایدیور . دوعری ژوری هیئتک حضورینه . اوراده کندینی مدافعه ایدیور . نه یاپسون ، احوال روحیه سی حرکاته انکل اولان بو قادینی کورمکه مساعد دکلش ، سوء میورمش ، اونکله یاشادقچه عذاب دویورمش الخ بر جوق سفسطه لر دن صکره ژوری قرارینی ویریور . مادامکه روحی بر طاقم اسباب و ضرورات فعل قتله سائق اولمش ، شو حلاله اسباب مخففه وار . حاکمه حکمی ویریور . بر سنه حبس . اووخ نه اعلا ؛ بریکی طرفدن بر سارقده ذوق و طریله بر حیات کچیره مدیکندن ، احوال روحیه سی کندیس کوزل یاشامق ایچون خرسزانه سوق ایتدیکندن بحث ایده جک ، بوده اسباب مخففه دن عد اولونه ق اوافق بر جزا ایله قور توله جق ا

ایشته غضب ، مصادره ، ملکیت ، حق مکتسب طانیماق ، بشقه ملته یاشامق حق ویرمه مک ، ایسته دیکنی تجزیه ایتک ، ایسته دیکنی عفو ایتک کبی هان هر وقت تکرر ایدن حادثات کوستریور که غرب نظام و انتظام اجتماعینک محافظه سنده عامل اولمقدن اوزا قدر . بوکونکی روح ایله ادوار ابتداییه رجوع ایدیور . حالبوکه اسلامیت وضع ایتدیکنی عدالت و حق دستور لریله بتون بشریتک خلاصکار رفاه و سعادت اولمقده دوام ایدر چکدر . بو حقیقتلر کون کبی میدانده ایکن بلا تدقیق اساسات شرعی دن ملهم قانونلر مزه قرون وسطائی برذهنیت عطف ایدلسی اسبابی آکلایه میورز . قوانین اسلامیه ، دساتیر شرعیه بشریتک احوال روحیه و احتیاجات طبیعی سنه الک موافق دوالدر که عون حق ایله پیدرپی بونلری تدقیق و ضرب قوانینله مقایسه یه چالیشه جفز .

مس مملکت

جمهوریت دوزنده

قوانین شرعی نك تطبیق اولور مایه جفی دعوائی کورندر

رخونلر حقنده حد شرعینک تطبیقندن طولای آقشام غزنه سی باش محرری نجم الدین صادق بک استخفافکارانه بر مقاله نشر ایتدی . مومی الیه بو مقاله سنده حکومت جمهوریه ایله احکام و حدود شرعی نك غیر قابل تألیف اولدیغی ، ایکسینک بر آرده یاشایه مایه جفی ، بوکونکی جمهوریتلرک یکرمنجی عصرده کی ده موقراسی جریانلرینک محسولی اولدیغی ، جمهوریتک یالکیز بر اسمدن عبارت اولمایوب مملکتک بوتون مؤسسات اجتماعیه سنه ، قانونلرینه ، نظاملرینه عائد بر هیئت عمومی اولدیغی ، محاکم شرعیه برینه عصری قانونلر اقامه سی لازم کلدیکنی ایلری بوریور .

جمهوریتله قوانین شرعی نك امتزاج ایده میه جکنی بر اصلا قبول

نجم الدین صادق بک دہ بیلز دکلردر، دورہ اصلاحات و تنظیمات دین بری
یابیلان قانونلرک هیچ برینک جدی بر قانون اوله ماسی هیسک بر
تحول، بر انقلاب پروپاگانداسی ماهیتندہ قالماسی عجبا نه دندر؟

بزم رجال اداره من، دائما افکار عمومی ملیہی حکمدن اسقاط
ایدلرک ارادہ دولتی محدود اللردہ طویلامق علتندن قورتولامامشدردر.
اونک ایچون هر دورده قانوندن زیاده اداره عرفیه تطبیق الیه
مجبوریت حاصل اولمشدر. حق مشروطیت دورندہده اسکی دورلردن
زیاده استبداد حس ایدیش، مشروطیتک استبداد منورله تفسیرینه
لزم کورولمشدر.

ملک احوال روحیه و اجتماعیہ، افکار و عقائد اصلیه سنہ آقیری
اوله رق یابیلہ حق قانونلردن نجم الدین صادق بک، عجبا نه فائدہ بکلہ یور؟
بویله روح ملتدہ بری اولمایان قانونلرله منتظم و مستقر بر وضعیت
اجتماعیہ حصولہ کثیرہ بیلہ چکی قاعدتندہ می بولونیورلر؟ ملک اجتماعیانہ،
عقائدینہ، افکارینہ آقیری اولان قانونلرک قلوب ملتدہ اصلا نفوذی
اولمادیغنه قطعی صورتدہ امین اولمیدر. قانونلرله ملک زوخندہ تحول
یابیلہ ماز. تحول، طبیعت و فطرت حیساندہ حاصل اولور. قانونلر
بونی تثبیت ایچون تعدیل اولنور، فلسفہ حقوقک کوستردیکی قطعی
ولایتیر دستور بودر.

بناء علیہ نجم الدین صادق بک ملک قوانین مدنیہ و اجتماعیہ سی
یرینہ یابانجی قانونلر اقامہ ایدیلسی لزومی حقتندہ کی توصیه لرینی بز بر
عالم، بر دارالفنون مدرسی سوزی تلقی ایتکده معذورر. بو،
آنجق ملک اجتماعیانہ، عقائدینہ، تلقیات قارشى خصوصت بسلهین
ر متعصب سوزی اوله بیلیر. حقیقہ عالم اولانلر و ملک سعادت
اجتماعیہ سنی صمیمی بر صورتدہ آرزو ایدنلر، دائما ملک عقائدینہ،
افکارینہ، حیسانہ، الحاصل مبادی و تلقیات روحیہ سنہ حرمت ایدرلر.
یوقسه ملک دوشونوشی، تلقیلرینی هیچہ صایه رق ارادہ دولتی
محدود اللردہ طویلامق، منورلرہ برحق استبداد بخش ایتک هیچده
حریت برورلاک دکلدر. بونلر انجق ساخته ده موقراسیلردر. کله لره
خاکی آلداتمق زمانلری آرتق کچمشدر. نجم الدین صادق بک کی بر
دارالفنون اجتماعیات معلمی هر هانکی بر مسئلہی موضوع بحث
ایتدیکی زمان او خصوصده ملک روحندہ تأسیس و تقرر ایتش مبادی
و تلقیاتی تدقیق ایتک، ملک طبیعت و فطرت اصلیه سنندہ بر تحول
حاصل اولوب اولمادیغنی نظر اعتبارہ آلمق لازمدر. یوقسه حکومت
شونی بیقسون، اونک یرینہ شونی کتیرسون، کی سوزلر بر دارالفنون
معلمنه هیچده یاقیشمان سوزلردر. بونلر بر محرر ایچونده شرفلی شیلر
دکلدر. بر انسان هر شیشی سوبیلہ بیلیر، هر شیشی یابیلیر. دنیاده،
اک قولای شی حقسارتدر؛ یا افرادک، یا بر هیئت اجتماعیہ نک عقائد

ایتمورر. جمهوریت دیمک، احکام اسلامیہی قالدیره رق اونک یرینہ فرنک
قانونلرینی اقامہ ایتک، ملک حیات اجتماعیہ سنی دیکشدیر. رک غرب
اجتماعیاتی کتیرمک میدر؟ جمهوریتی بز هیچده بوصورتله آکلایمورر.
بالعکس، ملک احوال روحیه و اجتماعیہ سنک، عقائد و افکارینک،
آرزو و حیسانک تمامیلہ حاکم اولسی صورتندہ تلقی ایدیمورر.

حق اونک ایچوندک جمهوریتلردہ اشخاصک اودرجه حکمی اولماز،
بوتون نفوذ و قوت ملک شخصیت مغنویه سنندہ طویلانیر. اک ای
جمهوریت حکومتی، آرزو و ارادہ ملیہی اک ای تمثیل و تطبیقہ موفق
اولان حکومتدر. جمهوری حکومتلردہ رأس ادارهده بولنان کیمسه لک
شخصی و خصوصی اجتہادلری حاکم اولماز. اگر اونلر ملتی کندی
فکرلرینہ، کندی آرزو و هوسلرینہ کورہ یورونمہ چالیشہ حق
اولورلرہ او، حقیقت حالده بر حکومت جمهوریه اوله ماز؛ جمهوریت
شکلنه بورونمش بر اشخاص حکومتی اولور. بناء علیہ، حکومت
جمهوریهی ملک قوانین مدنیہ و اجتماعیہ سنی تبدیلہ دعوت ایتک
معناسی بز آکلایمورر. و دارالفنون اجتماعیات معلمی نجم الدین
صادق بکده بویله بر دعوتدہ بولونمشنه نه سیاسیات، نهده اجتماعیات
علملری مساعده ایتز، ظن ایدیمورر.

معلومدر که ملتلرک مؤسسات سیاسیه لر احوال اجتماعیہ لرینک
مولودیدر. اجتماعیانلری ده اخلاق و عقائدینک محصولدر. هر هانکی
بر شکل حکومت ملک حیات اجتماعیہ سیلہ، افکار و عقائدیلہ امتزاج
ایدہ مزسه او شکل حکومت او ملک بنیه سنہ اویغون دکلدر، دیمک
اولور. شکل سیاسیه کورہ حیات اجتماعیہده، حیات اخلاقیہ
و اعتقادیهده تحولات اجرانہ قالدیشان راجتماعیات عالمی طامیمورر. بو
صورتله آقیری حرکتدہ بولونمق ایستین، نتیجهده یا کندیسنی،
یا ملتی خسران و فلاکتہ دوشوردن چیلغینلری تاریخ قید ایتمور
دکل. فقط بوتون دورلردہ یتیشن حکما بو حرکتی متفقاً تفسیح
ایتشلردر.

بو حقایق بر دارالفنون اجتماعیات مدرسنہ مجهول اولمامق لازم
کایر. عجبا نجم الدین صادق بک، قانونلرله تجدد و تحول بایمق،
انتظام اجتماعی بی محل و حکمت تشریعه مخالف اولدیغنی بیلیمورمی؟
هیچده ظن ایتمورر که بو خصوصده کوستاولوبونک فکرینہ اشتراک
ایتش اولماسونلر. نجم الدین صادق بک تنظیمات و اصلاحاتک مبدایله
نتایج اجتماعیہ و سیاسیه سنہ شوبله عمومی بر نظر عطف ایدہ جک اولورلرہ
کورورلر که ملک احوال اجتماعیہ و عقائد دینیه سنہ قارشى وقوع ولان
حرکتلر مملکت ایچون فلاکتدن باشقه برشی کتیرمه مشدر. چونکه
عالمده هیچ برشی تبدیل هویتله اصلاح ایدیلہ من، آنجق اقنا ایدیلیر.
ملتی طبیعت اصلیه سی خلافه سوق ایتک ایستہ نیلمه سنک عواقب الیمه سنی

و تاقیانیله استخفاف ایتمک ایچون هیچ بر تحصیل و تربیه لزوم یوقدر . هرکس بونی یاپه بیلیر . یالکیز یاپه یه حق اولمایان کیمسه لر وارسه اولنرده عالمر ، معلملردر . یوقسه عکسی تقدیرده بر عالم ایله آحاددن بری آره سنده هیچ بر فرق قالماز .

مسکرات قانونی وضع ایدیلیرکن مجازات میانه حد شرعینکده قوبولمسی افکار عمومیه ده سوء تأثیر یایدیغی ، بنسأ علیه بو حدک تطبیق بر استبداد اولدیغی نجم الدین صادق بک ادعا ایده بیلیرلرمی ؟ اصل تدقیق اولونه حق نقطه بودر . بو خصوصده بر دارالقنون اجتماعیات معلنه یاقیشه حق بر صورتده اساسلی تدقیقاند بولنورلر ، نتیجه تبعاتلری کمال حریتله بیلدیرلر . او وقت بو سوزلرینک بر قیمت علمیه و اجتماعیه اوله بیلیر . عالمر ایچون ، بالخاصه اجتماعیات متخصصلری ایچون یاپیله حق شی بودر . بو کون مسکرات قانوننک وحد شرعی تطبیقنک علینده اولنلر دییورلرکه : « او زمان افکار عمومیه یی قازانق ایچون بویله یالشدی . فقط شیمدی بوکا حاجت قالمشدر . » دیمک که سرخوشلر حقنده حد شرعینک تطبیق افکار عمومیه یی قازانه حق درجه ده بر حسن تأثیر حصوله کتیرمشدر .

بو کون انتخابه اشتراک ایدنلرک هپسینه فردا فردا صورولسه حد شرعینک تطبیقی ایسته مه نلر عیجا قاج کیشی چیقار ؟ بز هیچ ظن ایتمه یز که یوزده بشی کچمش اولسون و اولنرده ایچکی ایچنلر بولمنش اولماسون . ده موقراسیدن ، خلق جیلقدن ، اراده ملیه دن بحث ایدنلر بوا متحانه کله بیلیرلرمی ؟ ایش بورایه کلنجه « العوام کالهوام » دیرلر ، ملنک جهانلندن ، کنه یسنی بیلمدیکندن ، استبداد منوراندن بحث ایدرلر . ایشه بوتون شیلر آلرنده بویله اویونجاقدنر . علملری ده بویله در . « وجدان عمومی » دیرلر ، فقط کنه ی کینلرندن باشقه برشی طانیازلر . « اراده ملیه » دیرلر ؛ فقط کنه ی اراده شخصیه لرندن باشقه برشینک حکمران اولمسی ایسته مزلر . افکار عمومیه نک ترجانی اوله رق سوز سویلرلر ؛ فقط افکار خصوصیه لرندن باشقه برشینه حرمت ایتدکری یوق .

دیللرنده بر نقراتدر کیدیور : یکرمنجی عصرک ده موقراسی جریانلری ، عصری قانونلر ، عصری حقوقلر ، عصری بیلیم نلر . . . اولنلری ده . بیلینورز ، افندیلر . اولنلرکده نه متاع اولدیفنه واقفز . بو کون بر جنت کی کوسترتمک ایسته نیلن غرب جمعیتلرینک نه قدر بحرانلر ایچنده چیرینمقدمه اولدیفی ، سعادت اجتماعیه یی تأمین ایچون نه عظیم مجادله لر ایچنده پویان اولدقلری هیچ ده غیر معلوم شیلر دکلدنر . اوت ، بو کون غرب جمعیتلرنده بورژوا صنفنک رفاهیت و سامانیله تمیز ایدن ده موقراسی حکومتلری حاکمدر . فقط بشرک سعادت نامنه اقوام غربیه نک بو ده موقراسی حکومتلری نه تأمین ایتدیلر ؟ اخلاقی و اجتماعی ماهیتده کی مسائلک ضررینه اوله رق مسائل اقتصادی مستثنا

بر اهمیت قازاندی . حال بوکه بشرک سعادت حقیقیه سی نقطه نظرندن اخلاقی و اجتماعی مسائل ده سامم ایدی . بو حالک نتیجه سی اولق اوزره خودکاملق حسی ، احتکار و باشقلری استعمار تمایللری تصور ایدیله بیله جک درجه لک فوقه چیقدی . نهایت نامحدود بر آرزوی ثروتی و بوزروتک تأمین ایده جکی بوتون مادی هوسساتی تطمین ایچون هر شینک کنه یلرینه مباح اولدیفی قناعتی ویردی . شیمدی ده او ده موقراسی حکومتلری کنه ی سمیله بسله ین ، یاشاتان امکدار بر صنف اورته یه چیقهرق اولنرله مجادله یه باشلا یور . دون اولدیفی کی بو کون ده غرب جمعیتلری ثابت برغایه اجتماعیدن محرومدر . جمعیت بشریه یه استقرار تام تأمین ایدن حقیقی ولایتقر اخلاقی و اجتماعی مبدألری هنوز بولامامشدر . صنوف اجتماعیه آراسنده کی رقابتلر ، خصوصتلر بری بری بو غازلانه حق درجه ده موجودیتی محافظه ایدیور . منادی بر تحول و بحران ایچنده چیرینوب طورمقدمه در . موازنه اجتماعیه سی منادی صورتده تهدیده معروضدر . و منادی خللدار اولیور . ایشه بویله بر وضعیتده بولونان یکرمنجی عصرک ده موقراسی حکومتلری ده سعادت بشریه نک بر انموذجی کی کوسترتمک ایسته ینلرک سوزلرنده البته بز برشمه حقیقت کورده میز .

نجم الدین صادق بکک ورفقاسنک هر وسیله دن بالاستفاده خالق قواین مدنیه و اجتماعیه سنه قارشو خصومت ابرازندن کری قالماملری بز ی بویله اساس مسئله حقنده بر قاج سوز سویله مه یه سوق ایتدی . چونکه مسئله دکنک مسئله سی دکلدنر . اونی سر رشته اتخاذا ایدرک قوانین شرعیه نک اساسی رخنه دار ایتدکدر . اصل وجهه تعرض اودر . یوقسه احکام و قوانین شرعیه نک دیکرلری قبوله شایان کورولوب ده یالکیز بو نقطه سنه اعتراض ایدیلور ، دیمک دکلدنر . بو ، اصله هجوم ایچون بر وسیله در .

نجم الدین صادق بکک مقصدی ، جرم ایله جزا آره سنده تعادل مسئله سی دکلدنر . یعنی مسئله یی حقوق نقطه نظرندن موضوع بحث ایتمه مشلدر . اوله اولسه ییدی نظرلری بر آزدها کینیشه تیرلردی ده متمدن ملنلرک محصول اختراعلری اولان جزا قانونلرنده تعیین اولنان مجازات ایله آره لرنده هیچ بروجله نسبت و تعادل اولمایان بر چوق جرائمی ده کورورلردی . ملنلرک « عصری قانونلری » آره سنده ظلم محضدن عبارت نیجه شیلر وارکه علما . تشریعک قول مجردلری ، سیاسیونک تمایلات شخصیه لری آکا رنک قانونیت ویرمشدر .

شریعت اسلامیه نک ایسه هیچ بر جزاسنده بوشابه یوقدر . عدالتدن باشقه هیچ برشی اونی تأثیری آلتنده بولوندورمامشدر . بوتون احکامی

بر زمانده علمای حقوقک وظیفه تشریع نامنه یاپیش اولدقلری شیلره مثال اولمق اوزره ذکر ایدیوروز. یوقسه ارباب بصیرته هروقت ایچون مختلف مملکتلرده موضوع احکام قانونیه آره سنده نظر عبرت وامعانی جالب یک چوق شیلر واردر .

بز بوراده حدود و قوانین شرعیه ده مندمج حکم واسراری ایضاح ایتیه لزوم کورمیوروز . حقایقه قارشی کوزلرینی یومان ، قولالترینی طیقایان کیمسه لره قارشی حکمتدن بحشه قالیشمق صافلاکدن باشقه برشی اولمازه چونکه نه سویلنسه بوشدر . اونلر بیلدکلرندن شاشمایه جقلردر . برکزه قبلرلنده قوانین شرعیه قارشی خصومت یرلشمشدر . زمانی مساعده کوردکجه سینهلرلنده کیزله دکاری بغض و عداوتی آغیزلرندن طاشیره جقلردر .

نه غریبدرکه برزمانلر قوانین شرعیه یک علیهنده اداره کلام ایدنلر اجنبیلر ایکن بوکون مسلمانلق کندی اولادندن بو حقارتلره معروض قالیور . ۱۸۴۴ ده مرتدلر حقنده احکام شرعیه به شدتله اعتراض ایدن انکلتزه سفیری (لورد استراتفورد) ک روحی کیم بیلیر شیجمدی بو تعرضلردن نه قدر شاد اولمقدردر نه یاپلم ، بوکون مسلمانلق کندی دیارنده غریب قالدی . کندی اولادی اوکا نظر خصومتله باقیور . بوده بر جلوه بشئوند . تاریخ ، بشرک نیجه ضلالتلرینی قید ایتیش ، نیجه آزعین دورلرینی محیفه عبرته یازمشدر ا هدایتدن محروم قالان ملنلرک ، فردلرک یرنده بوکون یلرلر آسیور . عجباً اونلرک اوطعینانلری الوهیتک شان و عظمتنه ذره قدر بر نقیصه ایراث ایدم بیللمش میدر ؟ انسانلرک ضلالتلری ده کنیدیلرینه عائد اولیور ، هدایتلری ده . یولنی صاپتان ملنلرک هویت و موجودیت ملیه لری زوال بولور . هدایتیه مظهر اولان ملنلرده مجد و شرفه صاحبی اولورلر .

اسلامیت کونش کبی در . بوراده غروب لوحه سی عرض ایدرکن اوتوده طلوعلر باشلا یور . بز اوندن اوزاقلاشدق اطرافزی ظلمتلر احاطه ایدیور . « یا ایها الذین امنوا من یرتد منکم عن دینه فسوف یأتی الله بقوم یحبهم و یحبونه اذلة علی المؤمنین اعززة علی الکافرین یحبا هدون فی سبیل الله ولا یخافون لومة لائم ذلك فضل الله یؤتیه من یشاء والله واسع علیم . »

مجله عقنده

تدقیقات تاریخیه و تبعات حقوقیه سی جوق اولان عبدالرحمن عادل یک افتدی بو هفته اقدام غزته سنده «مجله می» قودنا بولیونمی ؟ عنوانلی بر مقاله نشر ایتدیلر . مجله نیک تحریری زمانته عائد شایان دقت معلوماتی احتوا ایدن فقره لری بر وجه آتی نقل ایدیوروز :

«تنظیمات دورنی عالی پاشا فصلنه کیرنجه مرکز سلطنتده دخی بر قانون مدنی

اغراض و آمال بشریه نیک فوقده اوله رق محضاً سعادت انسانیه بی تأمین ایچون وضع اولونمشدر .

بوکون مدنیتک الک یوکسک مرتبه لرینه ترقی ایتیش اولان مختلف اقوام آره سنده موضوع اولان قوانینی تدقیق ایتدیکمز زمان آره لرلنده اولیه مبیانتار بولیوروزکه بو قانونلرک وضعی خصوصنده نه کبی شیلره استناد ایدیلدیکنی ، قواعد عدل و انصافه و مصالح ناسه اوفق اولان اساسانه می ، یوقسه هرامتجه کنیدینه خاص اولان اسبابیه می رعایت ایدیلدیکنی بداهه کوستریور . او اسباب ایسه هر مملکتده سرمایه و نفوذ احسانک تعقیب ایتدکلری سیاسی غایه لردن عبارتدرکه ، پارلامنتورلرک ، مجالس اعیانک ، شورای قوانینک موجودیتیه رغماً ، امتلرک عزم و اراده لری اوغایه لرک حصول و تحقیق اوکنده بر وضع انقیادکار آلمه محکومدر .

«یکرمنجی عصرک ده موقراسی جریانلرینه کوره تشکیک ایتیش حکومتلرک ، قوانین جزائیله لری میاننده نیجه جزالر واردرکه جرم ایله هیچ نسبتلری یوقدر . بوکون علماء حقوقک وظیفه تشریع نامنه یاپیش اولدقلری شیلر صانکه نه در ؟ قوانین موضوعه نیک ضعف ، اختلاف ، عدم تناسب ، مصلحت عامیه عدم توافق و - قواعد عدل و انصافه دکل - بر طاقم اساسات سیاسییه ابتنا کبی حالات ایله معلول اولدیننی ادراک و تقدیر ایتک ایچون اوقدر مذق اولیه لزوم یوقدر . بر آز کورور کوزی ، دوشونور قفاسی اولانلر بو حقیقاییک یک قولایقله ادراک ایدم بیلیرلر .

بوکونک مدنی قانونلری بر تهمت طولایسیله بر انساننی موقتاً و یا مؤبداً زندانلره آتیور . یا بو آدم عائله سی نزدنده عاجز پدر و والده سنک ، دائرة محرمیتنه آلدینی زوجه سنک ، بیچاره یاورولرینک تأمین کفافه کفایت ایدم بیلرک بر شی بر اقامش سه او عائله نیک حالی نه اولور ؟

دینه جک که : « حبسندن مقصد ، تأدیب و اصلاح ، یا خود مهمی برائت و یا مجرمیتی تبیین ایدنجه به قدر توقیف دکلیدر ؟ » اولیه ایسه بر منفعت الد ایتک ایچون مضرات عدیده نیک احدائی ناصیل تجویز اولونه بیلیر ؟ بر انسانک بو مقصدله لزوم توقیفی تسلیم اولونه بیلیر . لکن ارکان عائله سی تشکیل ایدن بر طاقم بیچارکانک مدار حیات و بقاسی اولان سرمایه سی مصادره به قائل اولمق تسلیم اولونه بیلرک شیلر دئمیدر ؟

واضع قانون اولانلرک هیئت اجتماعیه نیک اصلاح حال و شأنه خدمت ایتک زعمیلر وضع ایتدکلری بویله بر قانونک موافق عدالت اولدیننه قائل اولمق هیئت اجتماعیه قارشی صریح بر ظلم و آنک حقوقه تجاوز دکلیدر ؟ بونی مدنیتک اوج بالای تکامله ارتقا ایتدیکی ادعا اولونان بویله